

قُطْفَة من كل لون

ليوان بالعامية المصرية

للشاعر / محمد الرائد

دار الكتب و الوثائق القومية
بطاقة فهرسة
فهرسة اثناء النشر اعداد الهيئة العامة لدار الكتب
و الوثائق القومية
ادارة الشئون الفنية

اسماعيل ،محمد احمد
قطعة من كل لون اشعار بالعامية المصريه
محمد احمد اسماعيل (محمد الرائد - مستعار)
ط أ المنصورة : دار السلام للطباعة و النشر
٢٠٠٦

١٠٠ ص - ٢٤ سم
تدمك ٢ ٢٣٤ ٣٧٤ ٩٧٧
أ- الشعر الشعبي المصري
ب- العنوان

٨١١,٠٨٤

هذه البيانات لا تنطبق إلا على هذا العنوان ولا تعمم في دواوين أخرى

إهداء

وأسأل شاعر
قلبه يملأ الدنيا مشاعر
حب ودمع
وموج ورحيل
مرة يقول الحظ قليل
ومرة يقول الدنيا ممالك
وها أقولها لك
كل العالم بعدك هالك
إلى / ملهمتي

تقديم

استطاعت رابطة الزجالين وكتاب الأغاني فرع
الإسماعيلية
في الفترة الوجيزة الماضية وذلك بعد تحمل
مسئوليه نشاط الرابطة الشاعر و الصحفي الأستاذ/
محمد احمد إسماعيل الشهير (بمحمد الرائد)
من إبراز المتميزين في مجال الشعر و الزجل
وكتابة الأغنية وذلك بعمل الكثير من الندوات و
المحافل الأدبية مما أدى إلى إثراء الحركة الأدبية
بمحافظة الإسماعيلية
و قد قامت الرابطة برئاسة السيد الأستاذ الشاعر /
محمد الرائد من عمل قنوات لنشر إبداعات
الشعراء عن طريق عمل كتاب يصدر بصفه غير
دورية بعنوان (الرائد) لنشر إبداعات الطلائع
و الرواد في الحقل الأدبي
كما قامت الرابطة بعمل لجنة من كبار الأساتذة و
المختصين في المجال الأدبي و ذلك لاختيار مادة
النشر سواء كانت دواوين أو القصائد المنفردة

و إعدادها لنشر.
و نحن في انتظار أي مقترحات يدلي بها القراء و
المهتمين بالمجال الأدبي نستطيع بها إثراء الحقل
الأدبي بالإسماعيلية

مع تحيات مجلس إدارة الرابطة

ا. د / رزق عبد الني

بياع الحنه

لما جيت أبيع الحنه
كترت حواليا الأحزان
كان نفسي أفرح واهنا
شفت الدنيا ما ليها أمان
لما جيت أبيع الحنه
ليه ماليش بخت ف هوايا
و اللي حبتهم سنين
ليه ف ثانيه مش معايا
يكرموني م الحنين
حبهم ما كانش ليه
(٩)

هما حيوا اللي ف إيديا
و أما قلبي صار ضاحيه
يسألوني أنت مين
لما جيت ابيع الحنه
ليه يا دنيا القرش فيكي
أغلام الناس و المشاعر
و اللي يغدر و يجافكي
بالكلام و الكذب شاطر
أشترتهم و يبعوني
و باديهم يجرحوني
(١٠)

و الأطفه بيلموني
أنت ليه ع القسوه صابر
لما جيت أبيع الحنه

كان نفسي

كان نفسي
و كان كل منايا
ديما على طول
تبقى معايا
يا شغلني
من وقت لقاءك
بشتاقلك
و أنا حتى معاك
و بقالي سنين
بستناك
(١٤)

يا قمر و منور
في سمايا
كان نفسي
مش عارف ليه أنا بتصور
لو كنت قابلتك
من بدري
كان كل حياتنا
ح تتغير
و أوهب لك أيامي
و عمري
(١٥)

نفرح و نغني
على هوانا
و تكون البسمه
اللي ف قدري
كان نفسي
كان نفسي أشيلك
في عنيه
ولا حدش في الدنيا
يلموني
لكن و الله ما باديه
(١٦)

تظلمك الدنيا
و تظلمني
و إن كان دا نصينا
حنعمل ايه
سامحيني دا شيء
غصبن عني
كان نفسي

نعمۃ النفسیان

يا نعمة النسيان
ليه بتنسيني
أنا بشر إنسان
محتاج تضميني
أحزاني فكراني
أفراحي نسياني
جراح في وجداني
بتهز ف كياني
و باقيت أنا بعاني
من دمع ف عنيه

و قساوة الدنيا
و بغدر خلالي
يا نعمة النسيان
ليه بتنسيني
أنا بشر إنسان
محتاج تضميني
زماي مش ليه
و شموعي مطفية
محتاج لحنه
تنور الدنيا

ارجع و أشوف نفسي
و امسح دموع أمسي
وافرح بقي شويه
يا نعمة النسيان
ليه بتنسيني
أنا بشر إنسان
محتاج تضميني

زمن الكرامه

رجع الزمان تاني
و رجعت أنا وياه
ف وسط خلالي
علشان أشوف مرساه
وقف الزمان لما
بصيت لقيت لمه
بتنادي ع الأمه
لما الوطن نادي
و الكل لبّا نداه
و ف سته أكتوبر
(٢٥)

يوم ١٠ من رمضان
كان النداء عالي
كان كل شوق و إيمان
الله و اكبر
عدينا ف ٦ ساعات
بارليف ب تتواري
خطو المنيع أتسلف
و جنوده بتسلم
و علمنا أتكلم
ابن البطل مصري
(٢٦)

ساعة الحن تلقاه
و أدي السفاين ف القناه
مشيه علي الميه
و ادي إذاعة القناه
بتذيع لي أغنيه
بلد السلام يا مصر
بلد الأمان و النصر
فحضنك الدافي
نلقى الربيع محلاه
و موجه متعافي
(٢٧)

الناس التي في
بالي وبالك

الناس اللي
في بالي وبالك
حولينا ديمًا شيفينهم
و ياويلك لو ما تفتلهم
و إن ديققتها..
يوم على واحد
حتلاقي حياتك تناخد
من جنة لنار
تختار لا تحلش ولا تربط
و حياتك كلها تتلخبط
(٣٠)

طاب تعمل إيه
دول ناس
لو تدي ما تديهم
ناكرين للخير
لا ضمير بيأنب يوم فيهم
ولا حتى النار بتخوفهم
الناس دول مالين الدنيا
في مصالح
وجيران و زمايل
رجاله

و نسوان
و مهازل
ديما ف الطالع و النازل
تلاقيهم كالدود الهايل
بنميمه و غيبه و توقع
و يزنوا على ودان الفالح
اهو كله كلام وشك وشك
ديما ييغشه ويغشك
الناس اللي في بالي وبالك
حولينا ديما شيفينهم
(٣٢)

سلاطنت

سلمت عليهم و نسييتي
و يارتني ما شوفتك ولا جتني
سلمت عليهم ياديك
وعنيه بتنادي عنيك
سبتي ولا همك تجرحني
شمت الناس فيه وفيك
سلمت عليهم و نسييتي
ولا همك لوم العزال
ولا قالوا ولا قولنا وقال
اللي أنت عاملته المره دي
(٣٥)

هيشمت كل العزال
سلمت عليهم و نسييني
إياك تفتكر إني نسييتك
وهجرتك و هجرت حياتك
أنا لسه بحبك يا حبيبي
يا دوايا و حيي و تعذيبي
سلمت عليهم و نسييني
إن داقت بهوانا الدنيا
م أقدرشي أفوتك ولا ثانيه
و لله بحبك مش ناكر
(٣٦)

لو فاكِر إن أنا مش فاكِر
اسأل دقات قلبي تدلك
حتقولك أبدا ما نسيك
سلمت عليهم و نسيك

كان نفسي فيك

كان نفسي فيك
من يوم ما عرفتك
كان نفسي فيك
كان نفسي أقول
اللي ف نفسي
ولا احرم نفسي
أنا من حبك
أنا نفسي فيك
أنا نفسي أقول
عن صبري

لو كنت قابلتك من بدري

كان عمري

ح يبتدي بعنيك

كان نفسي فيك

من يوم ماعنيه

شافت عينك

وشموع قادت

بيني وبينك

نورّت الدنيا و أمانينا

(٤٢)

و بدأت احاسب خطاويننا
كان نفسي فيك
دلوقتي كتير اللي يحبك
و الكل بيحرمني احبك
الدنيا بتحكم خطاويننا
تدينا كتير قوي
تدينا
لكن تاخذ أحلى
مالينا

و بتنسا قلوب العشاق
و تسبنا بقسوه
على فُراق
ونفارق أجمل
غناويننا
كان نفسي فيك

استوب

أنت ما عندكش قلب
طالع نازل تدب
الناس ماهاشي ذنب
حاسب استني استوب
خاف اعرف إن في رب
هـ يحاسبك على كل قلب
حاسب استني استوب
زي ما ليك قلب حب
مال على جنبه و طب
سيب الناس تحب

(٤٧)

ليه على قلبه تدب
حاسب استني استوب
انتَ فاكر القلوب
عوظفهم دي بسيطه
الناس كلها بتحب
زيك ولهم قلب
الناس ما همشي ذنب
حب براحتك حب
لكن اعمل حسابهم
و بلاش انتَ تحاسبهم

سيب اللي يحب يحب
حاسب استني استوب
و اللي حبك فيهم
و ارتحلك من وسطهم
ليه ديجا تقسا عليهم
أنت ما عندك شي قلب
حاسب استني استوب

على غفله

على غفل من غير ميعاد
كلمتك كالمعتاد
بالغيره و خوفي عليك
من عين كل العباد
أنا طبعاً واثق فيك
لكن من خوفي عليك
من كل الناس حواليك
و ده شيء طبعاً معتاد
أشتاقك يا حبيبي
ديماً من غير ميعاد

هما الحاقدين..

ديما عارفين

إن أنا بالغيره عليك زايد

عايزين يشوفنا احنا الاتنين

تاهيهين ضايعين في هيب قايد

لكن خليههم على نارهم

تحرقههم طول ما بنفهمهم

وما دام عارفين إننا حبيبين

لا حا يقدر حاسد ولا حاقد

يعدنا بعيد عن بعضينا

(٥٣)

قطفه

قطفة بكل الألوان

شميت البرفان

كان ريحته جنان

قطفت قطفه

من كل الألوان

قطفه من الشفايف

والحدود والقوره

و كأنها عصفوره

ف جنه م الأحن

شعرها ليل حالك

بتهوني في ممالك
الإنس و ي الجان
و أفضل أنا حيران
قطفه بكل الألوان
مودها كالرمان
قطفة حب
وقطفه حنان
قطفه بكل الألوان
في كل حابه جنان

الحب في مقلة لب

لب اسمر.. لب ايض ..

سوداني

فيه ناس بتحب

وناس بتكره

وناس من العشق بتعاني

وناس واخدها تسالي و أغاني

لب اسمر.. لب ايض .. سوداني

(٦٠)

لكل لون تسالي قرطاس بيتجمع

يقزقر ويضيع الوقت فيه

ويرميه مابين رجليه

في سلة قمامه ويا حسره

على اللي شاف له يومين متجمع

لب اسمر.. لب ابيض.. سوداني

لكل لطف واستلطاف

(٦١)

تحميص وتغليف

ولا تحريك لمكانتي ومكاني

ده حمص وسوداني مسلح

وسوداني لبناني

لب اسمر.. لب ابيض ..

سوداني

لكل ألواني عبوة

ودفعه شديده بقوه و ادلع

أقوى سنائي وأشجى

وداني الضحكه تولع

وأعيش أيامى وزمانى

أخذ الحلوه فيه

لب اسمر.. لب ابيض ..

سوداني

ألوانه كلها عجباني
ما بين الأسمر والأبيض
واللي أتحرق
في بطن أمه على لساني
لب اسمر.. لب ابيض ..
سوداني

کبش فدا لیکی

کلامی طوب و دیش

و کبش فدا لیکى

وده کله لإخلاصى لىک

و خوفى علیکى

عشان تفوقى...

من غرور الدنيا

وأسعدك فيها قبل ما تبكى

(٦٧)

وقبل ما الناس تغمض عيونك

والدنيا تضحك عليكى

ليكى فيا اكر ..

من اللي ليا فيكى

وده اللي بيديني الحق

من غير تفكير وكلمة لا

اركب جوادي..

وفي ايدي سيفي

ابعد عنك الأذى..

والشر و أحيكى

عيوني ليكى..

عيون صقر

جريح يترف..

من عيون الناس

وكلامي للناس ..

اللي حوالكي

كهبة ريح كاسح ..

ماسح للسمع

ولو على حساب ..

سعادتي بيكي

فيا ريت تعرفي ..

(٧٠)

من کلامي وصمتي

ومن فرحی و حزني..

أني بأغیر علیکی

کلامي طوب و ديش

و کيش فدا لیکي !!

اسمع

اسمع اسمع لما أقولك

مش راح أضيع وقتك

حاول تسمع رأي الغير

ولا أنت كبير

ولما جيت أحبك

شوفت الناس حواليا كثير

كلمتين إثنين راح اقولهم

(٧٤)

إسمعهم مره على هوايا

اللي زمان ..

كان يوم على بالك

تلعب بيه..

و تكيد عزالك

كان بيعحك حب بجد

وبيرسلك عمره في ود

(٧٥)

كان زَرَعَكَ ورده ف بُستانه

يلحف بيها كل الورد

اسمع اسمع لما أقولك

ليه تلعب بقلوب الناس

وأنت مالك غير واحد بينهم

خليه يحبك و يا خلاص

عايز إيه غير الإحساس

(٧٦)

و انك تبقى أغلى من الماس

بكرة تدور بيك الأيام

و تضع كل الأحلام

خليك عايش ف الأوهام

و افكر إن أنا بس حبيبيك

قولت لك بص لقدام

اسمع اسمع لما أقولك

(٧٧)

الى من يهمله الأمر

إلى من يهمله الأمر

إذا كان الأمر يهمله

راجع إلى بلادي

وحنيني للبحر يضمه

شايلى على قلبي هموم

بحملها لى يعوم

مع أول موجه شاردة

شايله من قلبي بشده

وتحطي على الغلبان

إلى من يهمه الأمر

إذا كان الأمر يهمه

خايف عليك يا بحر

وأنت حبابك كثير

الموجه فيك بتغر

وكان مالك كبير

شائل على قلبك أحباب

فيهم كثير أغراب

النافع فيهم يضر

إلى من يهمله الأمر

إذا كان الأمر يهمله

فضفا

(١)

آخر حدودك يا بطل

! راح تعمل إيه؟

قرب ..

راح قرب فين؟

تستسلم ..

تستسلم ليه؟

آخر حدودك

زى القضا جواك

تتحداك الدنيا

(٨٥)

ولكن بتحداك
إنك في الآخر جواك
خايف؟
خايف لية؟
آخر حدود بصرك
انطبق السما على الأرض
اهرب.
جرب؟
عدى حدود الخوف جواك
جرب.

راح تخسر إيه

راح تفضل واقف

مستنى همايتك

اجري

وصلت لأيه

اتعب.

حاول.

كمل.

حاول تعمل حاجة مفيدة

إرجع جرب حاجة جديده

(٨٧)

ليه تفضل فى مكانك
مستنى الموت

(٢)

ايوا يا سيدي..
بتفكر تعمل إيه
بتدور على إيه حواليك
أملك..
مش هايجي لك م السما نازل
يكن ويا شيطان يغويك
(٨٨)

يُبعدُ عنكَ كل ما ليكَ
إِسمُكَ صَوْتُكَ
رِسمُكَ هَمْسُكَ
ومَلامِحُ الأَيامِ الباسِمِ
يُمنعُ عنكَ حتّى النَسَمِ
يُبعدُ عنكَ كل حَبِيبِكَ..
كل قَرابِيبِكَ

(٣)

عدى حدود الخوف جواك
جدد فكرك
نفسى اقول لك اكثر بكثير
البير لو كان مش للميه
يصبح حفره للتعتير
تعتريه أو يعتري غيرك
لازم ردمه
جل الناس والدنيا تسبب
(٩٠)

(٤)

من غير خوف

امسح دمعك

نور شمعك

افتح قلبك للي يحبك

مش للغاوى كلام و عيون

ويدوب فكرك في ظنون

ما تخليش البرق دليلك

نور البرق لابد يخون

(٩١)

(٥)

إياك توصل آخر حدك

أنا قلت لك

حدد هدفك

اعرف إيه الحل وليه

واجه كل عيوبك

صحح كل ما فيك

وسع كل حدودك

جدد من غنويك

واعرف إن الدنيا يومين مش ليك

(٩٢)

(٦)

اعرف حاجة وقولها كثير

اعرف إن الخير في الدنيا

زى الطير

تزرع ازرع خير

سامح ..

تلقى سماحك منك خير

اصدق ..

تلقى الصدق نواية خير

إفرح ..

(٩٣)

فرح كل الناس بالخير

حب..

لو كان حبك ها يجيب خير

آخر كلمة جرب عيش

واعرف إن تعاست غيرك

منك ليك

وان سعادت غيرك

منك ليك

اعرف إن العمر مواسم

شتا وربيع

(٩٤)

صيف وخريف
اعرف إن ربيعك هو ربيعك
ورد حدودك سحر عيونك
كل ملامحك
حبك جرحك
كل ظنونك
أوعى يا سيدي العمر يخونك
أوعى تضيق كل ما فيك
حبك ..
اصل الدنيا مشاعر حب
(٩٥)

وأسال شاعر
قلبه يملئ الدنيا مشاعر
حب ودمع
وموج ورحيل
مرة يقول الحظ قليل
ومرة يقول الدنيا ممالك
وها أقولها لك
كل العالم بعدك هالك

(٧)

خلى قلوبكم زى البحر كبير
يا ما الموج بيعدى عليه
ويمسح دمعته بدون تكشير
لو راح نندم على اللي يفوت
تلقى الدنيا تابوت
ونفوت

(٩٧)

(٨)

اعرف إن خريف العمر هايجي

وأنا يا حبيبي

خايف منه عليك

خايف يجي اليوم

ما تلاقى..

حد يمد ايديه لإديك

آخر كلمه هاقولها بحق

(٩٨)

خليك عايش ويا الحق
ما يهمكش كلام الخلق
نور الحق اللي ها يهديك

2

3

4

محتويات الديوان

م	اسم القصيدة	م	اسم القصيدة
١	الإهداء	١٠	على غفله
٢	بياع الحنه	١١	قطفه
٣	كان نفسي	١٢	مقله لب
٤	نعمة النسيان	١٣	كبش فدا
٥	زمن الكرامه	١٤	اسمع
٦	الناس اللي بالي	١٥	الى من يهمه الامر
٧	سلامات	١٦	فضفضا
٨	كان نفسي		
٩	استوب		

رقم الإيداع بدار الكتب
و الوثائق المصرية
الترقيم المحلي: ٢١٥١٨ / ٢٠٠٦

الترقيم الدولي :
I.S.B.N.
977- 374 -234- 2

الناشر

دار الاسلام للطباعة و النشر

